

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 041-0-SU-25-000949
Visoko, 11.4.2025. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik BiH” broj 39/14, 59/22 i 50/24) te preporuke Komisije za provođenje postupka javne nabavke, utvrđene u Zapisniku o pregledu i ocjeni ponuda poslije održavanja e-aukcije, broj 041-0-SU-25-000938 od 10.4.2025. godine, u postupku javne nabavke štampanog materijala za potrebe Općinskog suda u Visokom za 2025. godinu, d o n o s i m

ODLUKU **o izboru najpovoljnijeg ponuđača**

Prihvata se preporuka Komisije za provođenje postupka javne nabavke i Ugovor za javnu nabavku štampanog materijala dodjeljuje se ponuđaču „**Defter-komerc**“ **d.o.o. Sarajevo**, Azize Šaćirbegović bb, 71000 Sarajevo, ponuda broj 02-03/25 od 27.3.2025. godine za ponudenu cijenu **12.800,00 KM bez PDV-a**, kao najpovoljnijem ponuđaču nakon završetka e-aukcije.

Izabrani ponuđač je dužan u roku od 7 (sedam) dana od dana zaprimanja ove odluke, odnosno obavještenja o rezultatima ovog postupka javne nabavke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Ova odluka objavit će se na web stranici Općinskog suda u Visokom, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uvjetima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke štampanog materijala za potrebe Općinskog suda u Visokom za 2025. godinu pokrenut je Odlukom o pokretanju postupka javne nabavke, broj 041-0-SU-25-000691 od 19.3.2025.godine, u kojoj je predviđeno da je procijenjena vrijednost javne nabavke 18.000,00 KM bez PDV-a.

Postupak javne nabavke Štampani materijal, CPV kod 22800000-8 za potrebe Općinskog suda u Visokom za 2025. godinu, proveden je putem konkurentskog zahtjeva za dostavu ponuda, broj 041-0-SU-25-000699 od 20.3.2025. godine.

Tenderska dokumentacija i Obavještenje o nabavci broj 4256-7-1-36-3-6/25, objavljeno je na Portalu javnih nabavki dana 20.3.2025. godine. Sažetak Obavještenja o nabavci objavljen je u „Službenom glasniku BiH“ broj 19/25 od 28.3.2025. godine.

Komisija za javne nabavke Općinskog suda u Visokom, imenovana rješenjem broj 041-0-SU-25-000692 od 19.3.2025. godine, dostavila je dana 10.4.2025. godine predsjedniku Općinskog suda u Visokom Zapisnik o pregledu i ocjeni ponuda broj 041-0-SU-25-000849 od 1.4.2025. godine, sačinjen prije održavanja e-aukcije i Zapisnik o

pregledu i ocjeni ponuda broj 041-0-SU-25-000938 od 10.4.2025. godine sačinjen poslije održavanja e-aukcije sa preporukom o izboru najpovoljnijeg ponuđača za nabavku štampanog materijala.

Komisija za javne nabavke je navela da je blagovremeno izvršila javno otvaranje ponuda i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je ukupno prispjelih 9 (devet) ponuda i da su sve prispjele ponude ponuđača blagovremene, pristigle sljedećim redoslijedom:

- | | |
|---|--------------------|
| 1. "Defter" d.o.o., Gatačka 20
(cijena ponude bez PDV-a 17.599,60 KM) | 71000 Sarajevo |
| 2. „Alfadivit“ d.o.o., Sprečka 15C
(cijena ponude bez PDV-a 17.960,50 KM) | 75270 Živinice |
| 3. "Svjetlost BH Print" d.o.o., Ismeta Alajbegovića Šerbe 3,
(cijena ponude bez PDV-a 17.939,28 KM) | 71000 Sarajevo |
| 4. "Defter-komerc" d.o.o., Azize Šaćirbegović bb,
(cijena ponude bez PDV-a 17.956,30 KM) | 71000 Sarajevo |
| 5. „Grafičar“ d.o.o., Plješevička 2D,
(cijena ponude bez PDV-a 17.980,00 KM) | 77000 Bihać |
| 6. "Štamparija Fojnica" d.d., Prokoški put bb
(cijena ponude bez PDV-a 17.909,20 KM) | 71270 Fojnica |
| 7. "Print – GS" d.o.o., Industrijsko uslužna zona Neobarje bb
(cijena ponude bez PDV-a 17.712,00 KM) | 72290 Novi Travnik |
| 8. "Primaprom" d.o.o., Vidovdanska bb
(cijena ponude bez PDV-a 17.390,16 KM) | 78000 Banja Luka |
| 9. „Svjetlostkomerc“ d.d., Bačići 5
(cijena ponude bez PDV-a 17.961,44 KM) | 71 000 Sarajevo |

Kopija Zapisnika sa otvaranja ponuda, broj 041-0-SU-25-000840 od 1.4.2025. godine dostavljena je ponuđačima putem e-maila dana 1.4.2025. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Komisija je nastavila s radom radi formalno pravne i suštinske provjere prispjelih ponuda, te evaluacijom ponuda i analizom dostavljene dokumentacije utvrdila da su svi ponuđači dostavili ponude u skladu s kvalifikacionim kriterijima definisanim u tenderskoj dokumentaciji.

Prilikom provjere računске ispravnosti ponuda, Komisija je utvrdila računsku grešku kod obračuna cijena ponuđača „Svjetlostkomerc“ d.d. Sarajevo, i to:

uočene su računске greške na stranici 6. i 7. (Aneks 2-Obrazac za cijenu ponude-Specifikacija štampanog materijala Općinskog suda u Visokom za 2025. godinu) tako da u kolonama "Ukupna cijena bez PDV-a" i „Ukupna cijena bez PDV-a sa popustom" umjesto 17.961,44 KM treba da stoji 18.292,00 KM pa je Komisija u skladu s odredbom člana 17. stav 5. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), navedenom ponuđaču uputila Zahtjev za saglasnost za ispravku računске greške, 2.4.2025. godine u 09,45 sati, putem e-maila, da u roku od 3 dana od dana prijema dopisa dostavi traženu saglasnost.

Dana 4.4.2025. godine u 14,51 sati, u ostavljenom roku, dostavljena je saglasnost ponuđača za ispravku računске greške uz obrazloženje ponuđača da su saglasni s navedenim izmjenama cijena. da se desio propust u excel tabeli u kojoj je, kako navode bila podešena pogrešna formula.

Prihvatanjem ispravke računске greške u ponudi, cijena ponude prelazi planirana odnosno osigurana novčana sredstva za predmetnu nabavku. Članom 2. stav (1) tačka 1) podtačka 2) Zakona o javnim nabavkama propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Neprihvatljiva ponuda je ponuda čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Tačkom 1.8. tenderske dokumentacije je definisano da je procijenjena vrijednost javne nabavke (bez uključenog PDV) 18.000,00 KM a članom 3. Aneksa 7., Nacrt Ugovora o nabavci i isporuci roba: štampani material, definisano je da ukupna plaćanja Isporučiocu bez PDV-a na temelju sklopljenog ugovora ne smiju prelaziti procijenjenu vrijednost nabavke.

Na osnovu izloženog, ocijenivši ponudu ponuđača „Svjetlostkomerc“ d.d. Sarajevo neprihvatljivom u pogledu procijenjene vrijednosti u smislu člana 2. stav (1) tačka 1) podtačka 2) Zakona o javnim nabavkama a shodno članu 68. stav (4) tačka i) ponuda ne ispunjava zahtjeve iz tenderske dokumentacije u pogledu procijenjene vrijednosti predmetne javne nabavke.

U skladu s iznesenim je i stajalište Agencije za javne nabavke u kojem se navodi da se neprihvatljivom ponudom smatra ponuda čija vrijednost prelazi planirana, odnosno osigurana novčana sredstva ugovornog organa za nabavku. U otvorenom postupku javne nabavke i konkurentskom zahtjevu za dostavu ponuda, kako se u istom stajalištu navodi, neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Imajući u vidu izloženo Komisija je konstatovala da je 8 (osam) prihvatljivih ponuda te je nakon završenog pregleda i ocjene ponuda zakazana e-aukcija sa kvalifikovanim ponuđačima u skladu s Pravilnikom o uslovima i načinu korištenja e-Aukcije („Službeni glasnik BiH“, broj 80/23) za dan 10.4.2025. godine u 09,30 sati s predviđenim trajanjem od 10 minuta.

Nakon uspješno okončane e-aukcije, zakazane i održane dana 10.4.2025. godine Komisija za javne nabavke je ponovo zasjedala dana 10.4.2025. godine i razmatrala Izvještaj o toku i završetku e-aukcije.

Na osnovu izvještaja o toku i završetku e-aukcije Komisija je konstatovala da je e-aukcija trajala od 09,30 sati do 10,04 sati i konačna rang lista ponuđača koji su učestvovali u e-aukciji je sljedeća:

- | | |
|---|--------------------|
| 1. “Defter-komerc” d.o.o., Azize Šaćirbegović bb,
(cijena ponude bez PDV-a 12.800,00 KM) | 71000 Sarajevo |
| 2. “Defter” d.o.o., Gatačka 20
(cijena ponude bez PDV-a 12.900,00 KM) | 71000 Sarajevo |
| 3. „Alfadivit“ d.o.o., Sprečka 15C
(cijena ponude bez PDV-a 13.749,00 KM) | 75270 Živinice |
| 4. “Svjetlost BH Print” d.o.o., Ismeta Alajbegovića Šerbe 3,
(cijena ponude bez PDV-a 14.600,00 KM) | 71000 Sarajevo |
| 5. “Primaprom” d.o.o., Vidovdanska bb
(cijena ponude bez PDV-a 15.500,00 KM) | 78000 Banja Luka |
| 6. “Štamparija Fojnica” d.d., Prokoški put bb
(cijena ponude bez PDV-a 15.699,00 KM) | 71270 Fojnica |
| 7. “Print – GS” d.o.o., Industrijsko uslužna zona Neobarje bb
(cijena ponude bez PDV-a 17.712,00 KM) | 72290 Novi Travnik |
| 8. „Grafičar“ d.o.o., Plješevička 2D,
(cijena ponude bez PDV-a 17.980,00 KM) | 77000 Bihać |

Imajući u vidu da je kriterij za dodjelu ugovora najniža cijena i da je ponuda ponuđača „**Defter-komerc**“ d.o.o. Sarajevo, Azize Šaćirbegović bb, 71000 Sarajevo, ponuda broj 02-03/25 od 27.3.2025. godine za ponudenu cijenu **12.800,00 KM bez PDV-a**, ocijenjena kao najpovoljnija ponuda nakon okončane e-aukcije, Komisija za javne nabavke je predložila Ugovornom organu da donese Odluku o izboru najpovoljnijeg ponuđača i zaključi Ugovor.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke. Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, u skladu sa članom 64. stav (1) tačka b), odlučeno je kao u dipozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka.



Dostavljeno:

1. 9 x Ponuđačima,
2. 1x Komisiji za javne nabavke,
3. 1x Odsjeku za opće i računovodstveno-materijalne poslove i na web stranicu suda,
4. 1x arhiva